

2019-03-20an, 54.zbketan Gipuzkoako Aldizkari Ofizialean kulturako hurrengo diru-laguntza lerroak publikatu dira:

TOKIKO: Gipuzkoako udal, udal elkarte edo udal entitateei zuzendutako diru-laguntzak, kultur jarduerak antolatzeko.

OREKA: Jarduera programa egonkorak dituzten irabazi asmorik gabeko kultur elkarteei zuzendutako diru-laguntzak, Gipuzkoan kulturaren edozein esparrutan proiektuak eta jarduerak egiteko.

Buletina irakurtzea gomendatzen dugu: laguntzen oinarri orokorrak, lerro bakoitzaren oinarri espezifikoak eta lerro bakoitzarentzat egiten den deialdia, bertan zehazten baitira epeak. Hala ere, kontziente gara korapilatsua eta zaila izan daitekeela hizkuntza administratiboa, eta ez gaudela ohituta. Horregatik, hona hemen interesekoak izan daitezkeen hainbat ohar.

Diru-laguntza hauek konkurrenteak dira, hau da, eskaerak haien artean lehiatuko dira diru-laguntza lortzeko. Kontuan izan: laguntzarik jasotzen ez duen proiektua ez da gutxiesten, baina lehia horretan beste batzuk izan daitezke hobe baloratuak. Diru-laguntza lerro bakoitzak adituen epaimahaia izango du, eta kideak zein diren Gipuzkoako Aldizkari Ofizialean argitaratuko da.

Prozesu osoa Gipuzkoako Foru Aldundiaren egoitza administratiboaren bidez egin behar da (<https://gfaegoitza.eus>): horretarako pasahitz operatiboa eduki behar duzu, edo ziurtagiri digitalen bat (B@kQ, DNle...). Pasahitz hori lortzeko informazio gehiago topa dezakezu lotura honetan. Prozedurarekin jarraitu ahal izateko, Administrazio Publikoen prozedura administratibo komunari buruzko 2015eko urriaren 1eko 39/2015 Legeko 14.2 eta 68.4 artikulua jasotzen dituen baldintzak bete behar dituzu: zure datu fiskalei buruzko informazioa ematea esan nahi du horrek, Ogasunarekin eta Gizarte Segurantzarekin zorrak ez edukitzea... Era berean, proiektuaren deskribapena eta gastu eta irabazien aurrekontua ere entregatu behar dituzu. Beste behin, Aldizkari Ofiziala atentzio handiz irakurtzea gomendatzen dizugu.


Behin zure eskaera aurkeztuta, aipatu dugunez, horretarako espresuki izendatutako adituek osatutako epaimahai batek aztertuko du. Deialdi bakoitzeko oinarri espezifikoetan ezartzen diren irizpideen arabera egingo dituzte balorazioak. Ezinbestekoa da irizpide horiek kontsultatzea, horrela puntu gehiago lortzeko zure proiektua nola hobetu jakin ahal izango duzu.

Epaimahaiak proiektuak baloratzen dituenean, puntu gehien dituztenek laguntza handiagoa jasoko dute, eta bi zatitan ordainduko diete: %60 diru-laguntza ematea erabaki duten momentuan eta %40 hurrengo urteko lehen hilabeteetan. Kontuan izan banaketa hori zure irabaziak eta gastuak aurreikusterakoan. Jarduerak, bai edo bai, aurrera eraman behar dira, eta noski, dagozkien gastuak ordaindu behar dira urte honetan zehar.

Edozein zalantza baduzu, K bulegoarekin jar zaitezke harremanetan telefonoz, emailaz edota bertara hurbilduta. Atsegin handiz lagunduko zaitugu zure eskaerari dagokionez izan ditzakezun dudekin. K bulegoa Gipuzkoako kultur-arloan lan egiten duten pertsona, talde eta entitate amateur zein profesionalen informazio-espazio eta bidai-laguna da. Proiektuen sorkuntza eta garapenean suertatzen diren beharrei erantzuteko jaio den guneak, egitasmoen iraunkortasuna eta sektorearen profesionaltasuna sustatzea ditu oinarritzko helburutzat.

(+34) 943 113 343 / kbulegoa@gipuzkoa.eus / Errege-erregina Katolikoaren kalea, 16 / 20006 Donostia

Astelehenetik ostegunera: 10:00-13:00 / 16:00-19:00 / Ostiraletan: 10:00-16:00 *Hitzordua hartzea gomendatzen dugu.



OREKA	TOKIKO
<p>Jarduera programa egonkorak dituzten irabazi asmorik gabeko kultur elkarteei zuzendutako diru-laguntzak, Gipuzkoan kulturaren edozein esparrutan proiektuak eta jarduerak egiteko. Gipuzkoako panorama kulturalean finkatuta dauden programak. Egoitza soziala eta fiskala Gipuzkoan.</p> <p>Bete beharrezko baldintzak:</p> <ul style="list-style-type: none"> • Diruz lagungarriak diren jarduerak: ikerketa, prestakuntza, sentsibilizazioa edo koordinazioa arlo artistiko ezberdinetan, eta zabalkunderako ekintzak, festibalak, zikloak, lehiaketak... • Funtzionamendu gastuak sartu ahal dira. • Gipuzkoan garatzea. • Interes, espezializazioa eta/edo originaltasun maila jakin bat izan behar du, lurraldeko kultur eskaintzari ekarpen nabarmena egiteko. • Urtarrilaren 1etik abenduaren 31ra arte. • Ekonomikoki bideragarria izatea. 	<p>Gipuzkoako udalek edo horien mendeko entitate publikoek antolatutako jarduerak. Udal maila gainditu eta kalitate zein interesarengatik, Gipuzkoako kultura eskaintzari ekarpen garrantzi tsua Egiten dieten jarduerak.</p> <p>• Bete beharrezko baldintzak: Proposa tzen dituzten proiektuak edo programak ekonomikoki bideragarriak izatea.</p> <p>.10.000 biztanletik beherako udalerrietako udalek eskaera bakarra eta aurrekontua 5.000 euro baino gehiagokoa. 10.000 eta 20.000 biztanle bitartekoek gehienez bi eskaera . Bakoi tzaren aurrekontua 10.000 euro baino gehiagokoa . 20.000 biztanletik gorakoek gehienez hiru eskaera; bakoitza ren aurrekontua 10.000 euro baino gehiagokoa.</p> <p>• Urtarrilaren 1etik abenduaren 31ra arte.</p>
BALORAZIO IRIZPIDEAK	
<p><i>Diru-laguntzen eskaerak balioesteko, kontuan hartuko dira jarraian aipatzen diren irizpide eta baremoak:</i></p> <p>1.Eskatzen duen entitatearen esperientzia/ ibilbidea: 10 puntu arte.</p> <p>2.Proposamenaren interesa, eta programa edo jardueraren testuingurua aztertze zehaztasuna: 10 puntu arte.</p> <p>3.Programak edo jarduerak Gipuzkoako kultur eskaintzaren orekari egiten dion ekarpena: 10 puntu arte.</p>	<p><i>Diru-laguntzen eskaerak balioesteko, kontuan hartuko dira jarraian aipatzen diren irizpide eta baremoak:</i></p> <p>1.Gipuzkoako kultura maparen barruan programak duen interesa.. 20 puntu arte.</p> <p>2. Proposatutako programaren kalitatea eta originaltasuna. 20 puntu arte.</p> <p>3.Proposatutako programaren finka tze maila. Gehienez 5 puntu.</p>

BALORAZIO IRIZPIDEAK

4. Berrikuntza eta esperimentazio maila aurreko urteekin edo edizioekin alderatuz (gaiak, formatuak, diziplinak, metodologiak, prozesuak...): 10 puntu arte.

5. Parte hartzeko kanalak irekitzeko eta horiei eusteko gaitasuna izatea, eta beste eragileekin lankidetzaren sareak artikulatzea: 10 puntu arte.

6. Proposamenaren zentzua eta epe ertainerako/luzerako jarraitasuna: 10 puntu arte.

7. Proposamenaren bideragarritasuna, neurriari eta helburuari dagokionez: 10 puntu.

8. Proposatutako programak hizkuntza ofizialen erabilerari eta euskararen presentziari eta erabilerari dagokienez dituen irizpideak: 10 puntu arte.

9. Genero berdintasunaren ikuspegia programaren helburu eta ekintzen artean, eta emakumeen ekarpena eta partaidetza: 10 puntu arte.

10. Entitatearen ahalegina, gazteak (35 urte arte) barne hartzeko: 10 puntu arte. Gutxieneko balorazioa: 60 puntu.

Kanpo geratzen dira: Suntsikorra ez den ekipamendua, material erosteko inbertsio gastuak, lokalak egokitzeko lanak. Tokiko esparrukotzat jotzen direnak. Aisia eta denbora librearen okupaziora nahiz gazteriarri zuzendutakoak. Jai-programak eta erritu izaerakoak. Azoka tematikoen antolaketa. Nekazaritza azokak eta gastronomiari lotutako lehiaketak eta jarduerak. Izaera profesionaleko ikuskizun eszenikoen, ikus-entzunezkoen eta musikalen sorkuntza eta ekoizpena.

4. Udal, tokiko elkarte eta gainerako kultura eragileen partaidetza eta beraien arteko koordinazioa, diseinuan, kudeaketan, nahiz proposatutako programa gauzatzeko prozesuan. Halaber, kontuan hartuko dira gizarteratzeari eta kultura-aniztasunari buruzko irizpideak.
Gehienez 10 puntu.

5. Berrikuntza. Gai honi dagokionez, lehentasuna emango zaie bai kultura proposamen berriei, bai egun dauden programei aplikatutako berrikuntzei.
Gehienez 5 puntu.

Gutxienez 30 puntu lortu dituzten proiektuak balorazioaren 2. fasea pasatuko dira.

Aurrekontuaren egokitasuna eta zeharkako irizpideak, besteak beste hizkuntza ofizialen eta genero berdintasunaren ikuspegiaren erabilera.
40 puntu arte.

Aurrekontuaren egokitasuna.
10 puntu

Euskararen presentzia eta erabilera proposatutako programa eta jardueretan.
10 puntu arte.

Genero berdintasunaren ikuspegia egitasmoaren helburu eta ekintzen artean, eta emakumeen ekarpena eta parte hartze profesionala.
Gehienez 10 puntu.

Proposatutako kultura jarduerara gazteak (35 urte arte) erakartzeko egindako ahalegina.
5 puntu arte.

Adierazleak erabiltzea proposatutako egitasmoaren interes soziala eta kulturala balioesteko.
5 puntu arte.

GUZTIZKO DIRU-LAGUNTZEN KOPURUA	
525.000 €	300.000 €
OREKA	TOKIKO
<p>Irizpide orokor gisa, diru laguntzaren zenbatekoak ez du gaindituko diruz lagundu daitekeen programa garatzeko aurreikusitako gastuen % 70a, ezta ere eskatzaile bakoitzeko 50.000 euro.</p> <p>Proiektu guztiek beste finantzaketa iturri batzuetatik, publiko nahiz pribatuetatik, lortu beharko dute aurkeztutako aurrekontuaren % 30eko finantzaketa, gutxienez.</p>	<p>Irizpide orokor gisa, dirulaguntzaren zenbatekoak ez du gaindituko diruz lagundu daitekeen programa gara tzeko Aurreikusitako gastuen % 50a, ezta ere eskatzaile bakoi tzeko 30.000 euro.</p> <p>Proiektu guztiek beste finan tza keta iturri batzuetatik, publiko nahiz pribatuetatik, lortu beharko dute aurkeztutako aurrekontuaren % 50eko finan tza keta, gutxienez.</p>

ESKAERAK AURKEZTEKO EPEA:

Oinarri osoak, eskaerak aurkeztu, inprimakiak eta aurkeztu beharrezko dokumentazioa: <https://egoitza.gipuzkoa.eus>.

Diru-laguntza eskaerak aurkezteko epea 2019ko martxoaren 20an ireki da, eta 2019ko apirilaren 17 an bukatu.

ZURITZEKO EPEA:

Gipuzkoako Foru Aldundiaren egoitza elektronikoaren bidez (<https://egoitza.gipuzkoa.eus>).

Agiriak aurkezteko epea deialdiaren hurrengo urteko martxoaren 1ean amaituko da.

***Oharra: Taula hauek K bulegoak egindako laburpenak dira. Diru-laguntzen ideia nagusiak ulertzen laguntzeko egin ditugu. Oinarri osoak kontsultatzeko:**

<https://egoitza.gipuzkoa.eus>.

(+34) 943 113 343 / kbulegoa@gipuzkoa.eus / Errege-erregina Katolikoan kalea, 16 / 20006 Donostia / 11:00-13:00 / 16:00-20:00

